



10 Outubru 2014

Suku Luculai, Sub-Distritu Liquisa, Distritu Liquisa

Contact : Duarte dos Santos, Xefe Komunikaun
e-mail : media@pnds.gov.tl
phone : 781 88 336

Komunikadu Imprensa

Headlines: Sekretáriu Estadu Dezenvolvimentu Lokál Inagura Projektu PNDS

Sesta feira semana ne'e (10/10/2014), Sekretáriu Estadu Dezenvolvimentu Lokál, Samuel Mendonça, sei inagura projetu Konstrusaun Sentru Komunitáriu Multi Propóztu ho Rehabilitasaun Bee Mós husi programa PNDS iha Suku Luculai, Sub-Distritu Liquisa.

“PNDS hanesan programa governu atu hakbesik an ba comunidade hodi responde difikuldade comunidade nia iha dezenvolvimentu” hatete husi Leoniel da Silva Lopes, chefe Suku Luculai.

PNDS nudar programa komunitáriu fó oportunidade ba comunidade atu deside no dezenvolve rasik, dezenvolvimentu sá ida mak sira hakarak atu halo iha sira nia Suku laran. Iha Suku Luculai, comunidade deside rehabilitasaun bee mós ho konstrusaun Sentru Komunitaria Multi Propóztu mak sai hanesan prioridade as liu, proposta hirak ne'e implementa ho susesu tanba hetan partisipasaun masimu husi comunidade.

Orsamentu rehabilitasaun be 'e mós ho montante \$20,176.32 no konstrusaun sentru komunitáriu multi propóztu ho montante \$19,318.23.

Subsídriu suku annual PNDS aloka ba iha Suku Luculai, nia montante \$45,000.00, fundus ida ne'e fahe ba kategoria rua mak hanesan :

1. \$5,500 ba fundus operacional, utiliza ba iha servisu administrasaun ne'ebé akontese iha suku hanesan insentivu ba ekipa Jestaun suku, sosa ATK ba eventu ruma iha suku, enkontru suku.
2. \$35,000 ba fundus infraestrutura, utiliza hodi sosa materials konstrusaun, kustu ba transporte, selu trabalhador no seluk tan.

Total benefisiáriu husi projetu bee mós hamutuk iha ema 509 husi xefe de família 95, no total benefisiáriu husi projetu konstrusaun sentru komunitáriu hamutuk ema 1201 husi xefe de família 236.